

seügende seügamen macht/ sond sye sol ordelich ir
speys nemē/ auch darzü trinckē nach d kost/ vñ sol
dan verziehē bis söllliche kost gedewet würdt/ nit
dz sye auff vollen magē esse nach ired bauches vr //
laub/ wān was vnordenüg die seügam an ir hatt/
dz gat ann dē kind auß. Sye sol meydē alle wolge
saltzne kost/ vñ saltzes/ vñ diges fleisch/ über feyßte
kost/ vast gewurtzt kost/ aschlag/ knoblach/ zwyffel
senff/ kern/ vñ was in dz haubtreücht. ¶ Von ge //
wurtz dz mügē sye brauchē zimmetrörlin/ muscat //
nuß/ muscatē plü/ saffrā/ vñ bescheidelichē vō ym //
ber. ¶ Auch fleysch vñ visch ob eynē mal/ milch vñ
visch/ milch vñ weyn getrückē/ schweynisch fleisch
vñ süß weyn darzü trinckē söllen sye meydē/ wan
söllliche kost macht die seügamē/ auch dz kindt ge
schickt zū lang anhangendē krankheitē/ als da ist
rauden/ außsetzigkeit/ vñ desgleichē. als Auicēna
spricht tertia sen primi canonis. doctrina. ij. capi.
vij. ¶ Auch allerley visch machēd arge milch/ doch
visch on schüpen/ vñ veyßt visch seynd schedlicher
dann die mit schüpen/ vñ heysß gesotten mit obge //
schribē senffte gewurtzt in gemacht. Krebs sūmers
zeyten machen gütt milch

¶ Wie mann die kind ordenlich seügen sol
¶ Auch ist zewissen menglichen dz man die kind
sol ordenlich seügen/ vñ also/ ¶ Dan sol warnemen
ob ein kind volkommē sey/ oder ob es übel gefürt
sey worden in mütter leyb. Ist dz kind volkommē
so sol man dz kind weder mit essen noch mit trin //
cken über nöten/ Ja auff das münst die ersten drey

B